

VACALUDOS DE NADAL NO ESPAZO EDUCATIVO E DE LECER MARIA MIRAMONTES



O Espazo Educativo e de Lecer María Miramontes ofrece unha alternativa de conciliación en vacacións dirixida aos nenos e nenas da cidade de Santiago.

POBOACIÓN DESTINATARIA

Nenos e nenas empadroados ou que estean matriculados nun centro de ensino no municipio de Santiago de Compostela. O centro dispón dun total de 73 prazas autorizadas pola Secretaría Técnica de Política Social da Xunta de Galicia.

Tramo de idades	Unidades	Capacidade máxima
3 anos	1	20
4 – 6 anos	1	30
7 – 12 anos	1	23

DATAS DE REALIZACIÓN:

Do 22 de decembro de 2023 ao 5 de xaneiro de 2024.

Dúas quendas:

1ª quenda: Do 22 ao 29 de decembro do 2023 (22, 26, 27, 28 e 29).

2ª quenda: Do 2 ao 5 de xaneiro do 2024 (2, 3, 4, 5,).

As persoas usuarias deberán solicitar, únicamente e por orde de prioridade, as quendas de interese.

As persoas usuarias poderán desfrutar dunha quenda agás haxa prazas dispoñibles na segunda.

Período de solicitude de praza: do 30 de outubro ao 8 de novembro de 2023.

O centro publicará a listaxe de admitidos e admitidas por quenda o 22 de novembro de 2023

HORARIO DE FUNCIONAMENTO EN PERÍODO NON LECTIVO (Nadal)

HORA	SERVIZO
7:45 – 9:00	ACTIVIDADE LIBRE E CUSTODIA
9:00 – 10:00	ACTIVIDADE LIBRE
10:00 – 13:30	ACTIVIDADES DIRIXIDAS
13:30 – 15:00	ACTIVIDADE LIBRE E CUSTODIA

ASIGNACIÓN DE PRAZAS

Durante todo o ano, este equipamento está pensado para responder ás necesidades de conciliación das familias. É por iso que o acceso aos seus servizos debe priorizar a aquelas que traballen ou que estean en tránsito do traballo a casa, no horario de apertura do centro.

Polo tanto é imprescindible que as familias acrediten fiel e responsablemente as circunstancias laborais na/s quenda/s solicitadas.

CRITERIOS DE PRIORIDADE PARA A ASIGNACIÓN DE PRAZAS

No caso de que houbera máis solicitantes que prazas nas diferentes quendas ou programas é preciso establecer orde de preferencia na asignación entre aquelas persoas que están dadas de alta no servizo e presentaron a solicitude de participación en calquera dos programas ofertados dentro dos prazos establecidos.

A continuación amósanse os criterios para a asignación de prazas ordeados de maior a menor grao de prioridade:

- Persoas vítimas de violencia de xénero, co informe dos Servizos Sociais, que traballen ou estean en tránsito do traballo a casa no horario de funcionamento do programa.
- Familias con nenos e nenas en acollida e nas que as dúas persoas adultas traballen ou estean en tránsito do traballo a casa no horario de funcionamento do programa.
- Familias monoparentais que traballen ou estean en tránsito do traballo a casa no horario de funcionamento do programa.
- Familias con ao menos un membro traballando fóra da comunidade autónoma de Galicia no horario de funcionamento do programa.
- Familias con ao menos un membro con incapacidade laboral (temporal/permanente) ou discapacidade e outro que traballe ou estea en tránsito do traballo a casa no horario de funcionamento do programa.
- Familias separadas ou divorciadas nas que a persoa titora que teña a custodia no momento da solicitude traballe ou estea en tránsito do traballo a casa no horario de funcionamento do programa.
- Familias numerosas coas dúas persoas adultas que traballen ou estean en tránsito do traballo a casa no horario de funcionamento do programa e con nenos e nenas en acollida.
- Familias coas dúas persoas adultas que traballen ou estean en tránsito do traballo a casa no horario de funcionamento do programa.
- Familias con ao menos un membro en desemprego e outro que traballe ou estea en tránsito do traballo a casa no horario de funcionamento do programa.

En relación aos **criterios de prioridade para a asignación de prazas:**

As situacións familiares descritas nos puntos 1, 2 ,3 ,4, 5, 6 e 7 deberán acreditar a súa situación mediante a documentación administrativa correspondente (certificado de monoparentalidade, informe de Servizos Sociais, informe médico, sentenza, etc.)

a. Aquelas persoas que traballen a turnos, teñan flexibilidade horaria ou sexan persoal docente terán que aportar un certificado de emprego actualizado no que indiquen o horario no que traballarán durante as quendas desexadas. Non se aceptarán os certificados ou declaracións xerais que non acrediten as circunstancias específicas da familia nas quendas solicitadas.

b. As solicitudes que non aporten a documentación requirida quedarán excluídas.

c. É responsabilidade única das persoas interesadas a entrega dos certificados e declaracións de horario laboral actualizados.

d. A falta non xustificada a calquera programa no período non lectivo será un criterio excluínte na seguinte solicitude.

e. Aquelas familias que non precisen conciliar pero que desexen participar poderán facelo se hai prazas baleiras.

No caso de non ser suficiente cos criterios de prioridade para asignación de praza, o centro realizará un sorteo público para aqueles casos nos que o número de solicitudes supere ao número de prazas, aplicando a fórmula “ALEATORIO.ENTRE (Ax;Ay)” no documento onde figuran os números de alta introducidos de maneira aleatoria e atribuíndo a cada solicitante un número nese listado. O resultado da aplicación da fórmula dará un número X que será o que obteña praza en primeiro lugar e tamén os sucesivos ata completar as prazas dispoñibles. Completadas as prazas, o resto pasará a formar parte dunha listaxe de agarda.

O sorteo, de producirse, será anunciado na páxina web do centro e do Concello de Santiago.

PROCEDIMENTO DE SOLICITUDE DE PRAZA

Aqueles nenos/as que xa están dados de alta deben cubrir o seguinte formulario que lles permitirá realizar a solicitude de praza nas actividades do Espazo de Lecer María Miramontes para o período non lectivo de Nadal.

<https://form.jotform.com/223034971655357>

Unha vez realizado este trámite, recibirán unha comunicación mediante correo electrónico informando sobre o estado da súa solicitude.

Os nenos e nenas que non estean dados de alta no servizo deberán realizar a súa solicitude de alta a través do seguinte enlace:

https://espazolecermariamiramontes.santiagodecompostela.gal/?page_id=254

Máis información:

Rúa das Fontes do Sar, 15707 Santiago de Compostela, A Coruña

<https://espazolecermariamiramontes.santiagodecompostela.gal/>

espazomiramontes@santiagodecompostela.gal. Tel 981542464